

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2021 ԹՎԱԿԱՆԻ ՀՈՒՆԻՍԻ 3-Ի N 927-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«__» _____ 2023 թվական N __ -Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2021 ԹՎԱԿԱՆԻ ՀՈՒՆԻՍԻ
3-Ի N 927-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և
34-րդ հոդվածներով՝ Հայաստանի Հանրապետության
կառավարությունը **որոշում է.**

1. Հայաստանի Հանրապետության կառավարության 2021 թվականի հունիսի
3-ի «Հայաստանի Հանրապետությունում ինտենսիվ այգեգործության
զարգացման, արդիական տեխնոլոգիաների ներդրման և ոչ ավանդական
բարձրարժեք մշակաբույսերի արտադրության խթանման պետական
աջակցության 2021-2023 թվականների ծրագիրը հաստատելու և Հայաստանի
Հանրապետության կառավարության 2019 թվականի մարտի 29-ի N 361-Լ,
2019 թվականի ապրիլի 4-ի N 362-Լ և 2019 թվականի մարտի 7-ի N 212-Լ
որոշումներն ուժը կորցրած ճանաչելու մասին» N 927-Լ որոշման (այսուհետ՝
Որոշում) մեջ կատարել հետևյալ փոփոխությունները և լրացումները.

- 1) Որոշման վերնագրում, 1-ին կետում, Որոշման հավելվածի (այսուհետ՝
Հավելված) վերնագրում, Հավելվածի 1-ին և 3-րդ կետերում [2023] թիվը
փոխարինել [2025] թվով,
- 2) Հավելվածի 2-րդ կետի 3-րդ ենթակետում, 9-րդ կետի 2-րդ ենթակետում,
12-րդ կետի 5-րդ ենթակետում, 15-րդ կետում, 23-րդ կետի 2-րդ ենթակետի դ.
պարբերությունում, 23-րդ կետի 5-րդ և 7-րդ ենթակետերում [մշակաբույսերի]
բառից առաջ լրացնել [, այդ թվում հատիկաընդդեմ] բառերը,
- 3) Հավելվածի 13-րդ կետի 3-րդ ենթակետում [եզիպտացորենի] բառից հետո
լրացնել [, ինչպես նաև հատիկաընդդեմների] բառերը,

4) Հավելվածը լրացնել նոր 21.2-րդ կետով՝ հետևյալ բովանդակությամբ՝

□21.2 Ծրագրի շրջանակում շահառուն կարող է մշակել նաև հատիկաընդդեմ մշակաբույսեր, որոնց դեպքում 1 հա-ի ընդհանուր ծախսի առավելագույն սահմանաչափը գնահատվում է 500,0 հազար դրամ:□

5)Հավելվածի 22-րդ կետում □կտրամադրի խորհրդատվություն:□ բառերից հետո լրացնել □Ծրագրից բխող այլ դրույթներ կարգավորվում են վարկային կամ փոխհատուցման պայմանագրով:□ բառերը,

6) Հավելվածի 23-րդ կետի 10-րդ ենթակետում □դրամով□ բառից հետո լրացնել □ կամ արտարժույթով□ բառերը,

7) Հավելվածի 23-րդ կետի 11-րդ ենթակետում □առանց□ բառից առաջ լրացնել □ոչ ավանդական բարձրարժեք, այդ թվում հատիկաընդդեմ մշակաբույսերի մշակության,□ բառերը, □9□ թվից հետո լրացնել □(արտարժույթի դեպքում 5)□ բառերը, □12□ թվից հետո լրացնել □(արտարժույթի դեպքում 7)□ բառերը, □, այգեհիմնման և (կամ) ոռոգման արդիական համակարգերի ներդրման կամ ջրավազանների կառուցման կամ ընդլայնման դեպքում նաև գերնորմատիվային ջրապահանջարկ ունեցող հողատարածքներում (գերնորմատիվային ջրապահանջարկ ունեցող հողատարածքներով համայնքների ցանկն ընդգրկված է Հայաստանի Հանրապետության տարածքային կառավարման նախարարի 2007 թվականի ապրիլի 2-ի N 18-Ա և Հայաստանի Հանրապետության գյուղատնտեսության նախարարի 2007 թվականի ապրիլի 2-ի N 77-Ա համատեղ հրամանով հաստատված «Գյուղատնտեսական մշակաբույսերի ոռոգման նորմաներն ու ռեժիմները Հայաստանի Հանրապետության ոռոգելի հողատարածքների համար» ձեռնարկում) ներդրողներին□ բառերը հանել, իսկ □14□ թվից հետո լրացնել □(արտարժույթի դեպքում 8)□ բառերը,

8) Հավելվածի 24-րդ կետի 16-րդ ենթակետում □համակարգերի□ բառից հետո լրացնել □կամ ջրավազանի□ բառերը,

9) Հավելվածի 25.2 կետը շարադրել հետևյալ նոր խմբագրությամբ.

□ 25.2 Այգեհիմնման, ոռոգման արդիական համակարգերի ներդրման, ջրավազանների կառուցման կամ ընդլայնման դեպքերում աշխատանքների ավարտից հետո՝ շահառուի և նախարարության կամ շահառուի և ֆինանսական կառույցի միջև կնքված պայմանագրի գործողության ընթացքում հայտնաբերված թերությունների դեպքում շահառուն պարտավոր է նախարարության կողմից տրամադրված ողջամիտ ժամկետում (մինչև 8 ամիս) վերացնել թերությունները: Սահմանված ժամկետի ավարտից հետո, թերությունների չվերացման դեպքում, վարկի տոկոսադրույքի սուբսիդավորումը դադարեցվում է: Սուբսիդավորված (վարկառուի կողմից վարկի ոչ նպատակային օգտագործման կամ ակնհայտ կեղծ տեղեկատվություն տրամադրելու դեպքերում) կամ փոխհատուցված գումարները ենթակա են վերադարձման եռամսյա ժամկետում:□:

2. Սույն որոշման 1-ին կետի 9-րդ ենթակետով նոր խմբագրությամբ շարադրվող Հավելվածի 25.2 կետի դրույթը տարածվում է նաև մինչև սույն որոշումն ուժի մեջ մտնելը ծագած հարաբերությունների վրա:

3. Սույն որոշումն ուժի մեջ է մտնում հրապարակմանը հաջորդող օրվանից:

